

興縣志卷之十六

形勝

邑有山川承天地之氣以產庶彙而邑里之消長盈虛人物之靈蠢饒乏皆繫於此蓋山川異則風氣殊風氣殊則鍾毓別理固然也詩曰泰山巖巖魯邦所瞻又曰滔滔江漢南國之紀正謂此也故君子觀形勝可以得攻守之宜審保釐之方施補救之術表綱維之準極遊覽之娛豈以已然之陳跡置之哉興錯處萬山西界洪河密邇西陸當水陸之會固要區也而文獻無徵表章未著其所以制攻守弘保釐行補救樹綱維騁遊觀者無得而紀焉則形勝所在守土者不可不目計而心籌也志形勝

興縣志

卷之十六

形勝

一

興邑左踞大萬山扼嵐岢之衝西帶黃河控秦晉之交合查紫荆峙其南嵐漪之水經其北蓋四塞之地也中則石樓一峰凝霞駐日桃花諸寨插霧干雲加以北岡迤邐毓通邑之長龍南嶺巖崑列斗城之錦障五峰疊峙一水廻環中峰爲玄帝廟右峰爲文昌樓左峰爲栖霞觀巖三台之並列福勝寺蹲踞其西壽聖寺蜿蜒於



東實兩翼之交垂蔚汾東來抵南山逆折而北來異地之文明循城而西二十里至石嶺村水口繫束鎖坤維之關鍵峯高土潤水冽泉甘園林蒼蔚景色菁蔥僻在西陲頗稱繁庶然而石山戴土朱明之氣太剛水激河喧財源之藏不厚川太狹無寬平之體勢西偏高多難靖之牙角山麤而民性愚水清而物產薄覽勝者不無扶輿之憾焉

輿介處萬山凡三大川北川爲嵐漪水卽尙嵐水入河之處而河南諸山則瓦堂村石壑村雙

輿縣志

卷之十六

形勝

二

山壑爲要隘中川爲蔚汾水由嵐縣黃尖山發源經縣城入黃河而東則大萬山土名燒炭山爲尙嵐之要道界河口爲輿嵐之緊關西則黑峪口乃神木延邊之通津也南爲南川水從本縣合查諸山發源西流至趙家川口合蔚汾水入河而川南山嶺之外則界嵐縣永寧臨縣故東南杆樹塢界嵐縣大坪頭界永寧俱奸匪出入之所而西則李家灣康寧莊舖實臨汾之通途沿河則採林渡大峪口乃郵延之孔道也輿邑無千家之曠可爲守衛所恃者地險耳而諧



隘路俱峻嶺鳥道不可並騎行百人守之千人莫過所稱四塞之固者實具於此矣

### 黃河

黃河自崑崙星海發源歷羗番入寧夏東北出邊遶三受降城至大青山折而南由河曲再入中國經保德至興縣界爲北會南會東京至裴家川口卽嵐漪水入河之處側爲合河卽舊縣治所今山巔城址猶在焉西岸爲陝府界自張黃塢寨灘至黑峪口爲陝晉通津西岸爲陝神木界下五里白家崖卽蔚汾合南川水入河

### 與縣志

#### 卷之十六

形勝

三

之處下曰軟米灌再南爲廵檢司舊志孟家峪廵檢治此今廢而名猶存歷桑灣村至灘頭西岸卽神木川水入河之處至狼峪溝爲狼峪灌又南牛家川東豆峪西卽葭州界歷大峪口至石灰溝入臨縣南北縣互一百五十里設渡口八處河流自北而南兩岸皆崇山列嶂轄制河流東盪則西奔右衝則左擊靜壑安瀾會不能十數里而嵐漪入河下爲張黃塢灌再下爲眉夫灌蔚汾入河下爲軟米灌神木川水入河下爲狼峪灌水衝巨石橫列中河嵯峨歷亂激浪



騰波湍洶澎湃聲震數十里近者人不聞語聲故舟楫之利多不能通惟木筏行焉然每當下灌十餘里外舵工凝神矚目審視河流不敢差分寸稍失手則水奔石壁人筏俱碎或入盤渦旋沒至底矣至立冬後河冰流漸大或數丈蔽河而下舟筏不行俗謂之流凌三春亦然隆冬惟黑峪口河冰結合可通行旅他處則岸冰結而中流開最爲難渡若欲扼麟府之喉固雲朔之腹則合河黑峪灘頭三渡尤爲要津守土者不可不加之意也

興縣志

卷之十六

形勝

四

十景

峨嵋曉烟

峨嵋山在城內雙峰對峙如眉故名俯瞰一邑城內四關居民稠密每早炊烟突上蒙羃城市望之樓閣垣墉如在雲霧中日出漸迫而西至黃河乃散過者皆驚以爲列省罕見云

石樓晚照

石樓山在縣東北五十里山巔石壁峭起高數十丈週圍四五里落日倒映石色頽駁爛若丹霞峰頂寬平舊有祠屋數百間爲土人避兵之



所

栖霞疊翠

栖霞觀在城東北土山之巔崇岡矗峙高數十丈石磴數百級洞門三重乃上列祠數百間飛甍碧瓦丹翠凌空閣爾梅有詩云萬角樓臺百巷冰樓霞道院石層層貧僧五拜華嚴識許上經樓第幾重

通惠流香

通惠泉在栖霞觀之右泉凡三穴出水神祠座下注庭內井達於外井井兩龍口一注一洩由涸合邑取汲焉

查山積雪

黑查山在縣東南八十里高可二十里石壁峻嶒爲西北諸山之冠數百里外望之蒼翠插天每隆冬積雪如雲橫天畔玉積峰頭山殖古松數萬株有神祠禱雨輒應

紫荆卧雲

紫荆山在縣西南九十里週可四十里南麓有聖母泉北麓石壁有洞出風中多叢薄產豪楮



每晨石罅濃雲亂湧橫互嶺腰經日不散山蒼雲白隱現掩映觀者嘆爲奇景

### 浩旻飛磴

浩旻山在臨河二豆峪村去縣一百二十里孤峰突起背連山東西南三面皆懸崖陡絕數百丈上建真武祠南曰南天門人股栗莫敢憑視好事者或攀鐵索緣崖而登傍有泉自巖罅倒出可飲數百人西望河流如帶陝西葭延諸郡歷然在目蓋諸峯之極高者

### 龍嶺天橋

## 興縣志

### 卷之十六

形勝

六

雙堠山兩峰對峙中有大壑河水自南北注當壑有石壁數百丈橫互連合兩峰曰卧龍岡水從岡下洞穴流出合嵐漪水洞石衝出者矗立水中其北峰曰天磴山峭壁千尋徹下中裂外望之石紋如磴齒兩兩相錯亦一奇也

### 仙洞澄淵

桃花寨下有石穴曰仙人洞有三口僅容側身入數百步忽開敞怪石峭立石隙小穴如蜂房入者必以草節記路東南入忽有灘曰筱麥灘地甚寬洞頂高十數丈四旁皆鐘乳滴綴地下



虛軟如積葭麥故名再東南入曰仙人澗有水寬可二丈水色黑不知所際有獨木橋無敢渡者有三石柱石色瑩然蓋鐘乳所結而成者其旁洞不可勝計人亦莫能窮焉洞外有峰突起高十餘丈寬可二丈道士結菴於上以爲守洞之所

### 蓮峰石堠

石堠山去城四十里高峰斷處突起石峰高數十丈如斥堠狀上列祠廟石頂寬平如砥由峰轉至山巔上有巨石矗立如蓮花由峰側轉南

## 興縣志

### 卷之十六

形勝

七

曰黑龍池有黑龍祠祠後兩小門開之則澗巖黝黑內有池水色蒼黑水旱不涸不流取此水以禱雨輒應傍有巖曰伏虎巖相傳有僧伏虎於此故名今僧與虎骨俱在焉